



Hr. Anthon Frederiksen
Inatsisartuni ilaasortaq

Sermermut imermullu tunngatillugu apeqqutit 209 – 2015-mut akissutit.

20-08-2015
Sags nr. 2015 - 7449

Inatsisartut suleriaasianni § 37, imm. 1 naapertorlugu erngup avammut tunisarinissaa siunertaralugu suliassanut assigiinngitsunut periarfissat pillugit Naalakkersuisunut apeqqutilliisimavutit. Apeqqutitit suliassa qarfinnut akissute qarfigissallugit ingerlateqqinneqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Nunatta ernгани avammut tunisassiorneq qanoq ilillugu annertunerusumik nunatsinnut iluanaarutinngortissinnaanera naalakkersuisut qanoq takorloorpaat?

Akissut:

Maannakkut sermimik imermullu avammut tunisinermut nutaamik periusissialiorlutik Naalakkersuisut suliagarput.

Ergup sumingaanneerneranik saqqummiussilluni nammineq ilisarnaatitalikkamik imermik imigassamik tunisat annikinnerusut avammut tunisarinerisa aamma imermik annertoorujussuarmik ilisarnaatitaqanngitsumik tunineqartumik – allaallu immaqa najukkami imermik pilersuisarfikkut – avammut tunisarinerisa akornanni nalinginnaasumik immikkoortitsisoqarsinnaavoq. Siullertut taasaq aallaavimmigut kingullertut taasamut naleqqiullugu annertunipilussuarmik qaffasinnerusumik akeqartinneqassaaq.

Sumiiffinnit killilersukkanik sermermik imaluunniit imermik avammut tunisinissamut akuersissutisinissamut ukiuni arlalinni periarfissaqarsimavoq. Ullumikkut misissueqqissaarnissamut akuersissutinik sisamanik, aamma atuinissamut akuersissutinik sisamanik tunniussisoqarsimavoq. Avammut tunisatut piviusunngortitat annikitsumik inissisimaffeqarput.

Avammut tunisinnaanermut tamakkiisumik nalilersuinermet tunngatillugu ullumikkut suliassa qarfimmi tassani periusissiatta nutarsarnissaanik oqaatigineqartutut suliqartoqarpoq. Suliap taassuma naammassinissaanik periarfissanik piviusunik nalilersuinissaq utaqqimaartariaqarpoq.

2. Nunarput nammineerluni imermik tunisassiornermet atugassamik umiarsuarmik pilersitsinnaanera Naalakkersuisunit takorloorneqarsinnaanerluni?

Akissut:

Namminersortutut inuussutissarsiortunut nutaanik periarfissanik pilersitsiniarluni suliasatut suliasaqarfik taanna namminersortunit ineriartortinneqartariaqartoq Naalakkersuisut isumaqarput. Suliffeqarfiit namminersortut qulit maanna misissueqqaarnernut iluaquteqarnissamullu akuersissutinik tunineqareersimmata, pissusissamisuussanngilaq Namminersortutik Oqartussat taakkununga unammillernermik aallartitsissappata.

3. Umiarsuarmik imermik tuniniaanermut atugassamik pilersitsisoqarsinnaappat, taamaattoq qanoq akeqassangatinneqarsinnaava?

Akissut:

Tunisassiornermut aningaasartuutitut tunngatillugu Naalakkersuisut paasissutissanik peqanngillat. Maannakkut periusissialiornermik suliaqartoqarpoq, suliamilu tassani missingersuusiornermik aningaasartuutit inissisimaffigisinnaasat pillugit nalilersuisoqassaaq. Kisianni naatsorsuinerit eqqornerusut namminersortunit aningaasaliiniartunit suliarineqassappat, niuernermit ilusissatut aalajangiussisoqareerpat, taannalu misilerarneqalerpat.

4. Nunarsuarmioqatitta ilarparujussui imissaaleqalutit ajornartorsiortut qanoq ilillugit ikiorsersinnaavagut nunatsinnut aamma iluanaarutaasumik?

Akissut:

Naalakkersuisut anguniagaanni siunnerfigisaannilu sikumik imermillu nioqqutissiorneq iluanaarutaasumik inuussutissarsiortoqarsinnaanera nunatsinnut namminermut iluaqutaasumik taamatullu aamma aningaasaliiumasunut namminernut iluaqutaasumik. Nunarsuaq tamaat ataatsimut isigigaanni periaatsinik - programminik taaneqartunik – assigiinngitsunik peqarpoq, ilaatigut FN-ip ataani, imermik mingoqanngitsumik qimaasut najugaqarfiinut panernersuaqarfiusunullu isumannaarisartumik. Maanna inatsit atuuttut periarfissaqartitsippat suliffeqarfinnut Kalaallit Nunaannit imermik avammut niueruteqarnissamik qinnuteqarsinnaanermut, qinnuteqaammillu tigussaasumik takkuttoqassappat, suliaq inatsisit atuuttut tunngavigalugit suliarineqassaaq.

Inussiarnersumik inuulluaqqusillunga


Vittus Qujaukitsoq